



KERAJAAN NEGERI SEMBILAN DARUL KHUSUS

**PEKELILING SETIAUSAHA KERAJAAN NEGERI SEMBILAN
BILANGAN 1 TAHUN 2017**

PELAKSANAAN

***SME COMPETITIVENESS RATING FOR ENHANCEMENT (SCORE)*
SECARA NBOS KEPADA USAHAWAN BERDAFTAR DI NEGERI SEMBILAN**

TUJUAN

1. Pekeliling ini bertujuan untuk memberikan penjelasan dan memaklumkan berkenaan pelaksanaan *SME Competitiveness Rating for Enhancement (SCORE)* secara NBOS kepada usahawan berdaftar di Negeri Sembilan sebagai kaedah pemantauan di Jabatan/Agensi Kerajaan dalam memperkasakan Perusahaan Kecil dan Sederhana (PKS) serta usahawan mikro di Negeri Sembilan.

LATAR BELAKANG

2. Pelbagai Jabatan/Agensi Kerajaan sama ada Negeri ataupun Persekutuan mempunyai peranan dan kaedah pemantauan tersendiri dalam pembangunan PKS pelbagai sektor di Negeri Sembilan khususnya. Namun kebanyakan kaedah tersebut dilaksanakan secara berasingan tanpa satu sistem kaedah pemantauan yang dikongsi bersama dan tiada agensi utama yang menyelaraskannya untuk memastikan usaha-usaha yang dilakukan lebih terarah dan komprehensif.
3. Bagi memperkemaskan keadaan tersebut, Perbadanan Kemajuan Negeri, Negeri Sembilan (PKNNS) telah mengambil inisiatif menjalinkan usahasama dengan SME Corporation Malaysia (SME Corp.) untuk melaksanakan SCORE kepada PKS berdaftar di Negeri Sembilan. Konsep SCORE yang diperkenalkan pada 2007 merupakan alat diagnostik bagi menilai dan meningkatkan daya saing PKS berdasarkan prestasi dan keupayaan mereka.
4. Pelaksanaan awal SCORE telah dijalankan ke atas syarikat-syarikat dalam sektor pembuatan untuk mengukur keberkesanan geran-geran yang diterima. Sejak itu, sistem SCORE telah diterima oleh pelbagai sub-sektor di Malaysia sebagai penanda untuk mengukur daya saing dan keupayaan syarikat-syarikat di peringkat firma. SCORE juga telah digunakan sebagai alat bagi tujuan pepadanan perniagaan untuk akses pasaran yang lebih baik. Antara kepentingan SCORE adalah:
 - (i) Memperoleh data asas berkenaan PKS;
 - (ii) Menilai dan menjejaki keupayaan dan prestasi PKS;
 - (iii) Menghubungkan PKS berpotensi dengan syarikat besar, Syarikat Berkaitan Kerajaan (GLC) dan pasaraya besar;
 - (iv) Menghubungkan syarikat sedia eksport dengan MATRADE dan MIDA; dan
 - (v) Memastikan dana dimanfaatkan dengan lebih baik dan sumber lebih tertumpu.

PELAKSANAAN

5. SCORE mempunyai tujuh (7) jenis model yang merangkumi bidang-bidang perniagaan utama di Malaysia. Berikut adalah senarai model yang telah dibangunkan:

- (i) *Manufacturing and Manufacturing Related Services (MRS)*
- (ii) *Manufacturing and Maintenance, Repair and Overhaul (MRO)*
- (iii) *Construction Model*
- (iv) *Professional Services*
- (vi) *Retail and Distributive Trade*
- (vii) *Information and Communication Technology (ICT)*
- (viii) *Micro-Enterprise Competitiveness Rating for Enhancement (M-CORE)* – model khusus untuk mengukur prestasi syarikat mikro

6. Namun kini, pihak SME Corp. sedang membangunkan beberapa model baru bagi memenuhi keperluan dalam sektor lain seperti bidang pertanian dan perladangan. Penarafan SCORE adalah dari 0 Bintang hingga 5 Bintang. Tetapi untuk model M-CORE, penarafan adalah bermula dari Tahap 1 hingga Tahap 3. Terdapat beberapa parameter utama yang akan menjadi asas penilaian bersesuaian dengan sektor dan jenis perniagaan sesebuah syarikat.

7. Antara tujuh (7) parameter utama yang diberikan penekanan dalam SCORE ke atas sesebuah syarikat adalah:

- (i) Prestasi Perniagaan
- (ii) Keupayaan Kewangan
- (iii) Keupayaan Teknikal
- (iv) Keupayaan Pengeluaran
- (v) Inovasi
- (vi) Sistem Kualiti
- (vii) Keupayaan Pengurusan

8. Penilaian SCORE di Negeri Sembilan akan melibatkan semua Jabatan/Agensi yang terlibat secara langsung atau tidak langsung dalam aktiviti pembangunan usahawan. Kerjasama semua Jabatan/Agensi akan disepadukan melalui perkongsian Data Usahawan yang berdaftar di Jabatan/Agensi masing-masing. Data ini kemudiannya akan dikemaskini dan dijadikan Data Induk dalam satu pengkalan data yang boleh digunapakai secara bersama. Melalui perkongsian ini, agenda pembangunan dan pemerkasaan usahawan di Negeri Sembilan dapat dilaksanakan secara efektif dan menyeluruh.
9. Pelaksanaan SCORE ini akan dipantau oleh Majlis Pembangunan Usahawan Negeri Sembilan yang dipengerusikan oleh Y.B. Setiausaha Kerajaan Negeri dan diurusetikan oleh PKNNS. Keahlian terdiri daripada Jabatan/Agensi Negeri dan Persekutuan yang melaksanakan program keusahawanan. Jawatankuasa ini akan bermesyuarat tiga (3) kali dalam setahun. Peranan utama majlis ini adalah untuk memandu hala tuju pelaksanaan Model Pembangunan Usahawan Bumiputera Negeri Sembilan 2015 – 2025 (MPUBNS) serta perkara-perkara berkaitan agenda pembangunan usahawan di Negeri Sembilan.

TANGGUNGJAWAB

10. SME Corp. berperanan sebagai penyelaras utama dalam gerak kerja pelaksanaan SCORE di Negeri Sembilan. Di samping itu, SME Corp. akan turut menyediakan keperluan teknikal dan bantuan kepakaran kepada semua Jabatan/Agensi yang terlibat sebagai Juru Audit SCORE.
11. PKNNS adalah agensi yang memantau operasi SCORE di Negeri Sembilan yang mana akan mengumpulkan dan mengemaskini senarai usahawan berdaftar di Jabatan/Agensi di Negeri Sembilan.

12. Semua Jabatan/Agensi Negeri dan Persekutuan yang beroperasi di Negeri Sembilan dalam konteks program keusahawanan adalah bertanggungjawab untuk menandatangani *Memorandum of Agreement* (MOA) bersama dengan SME Corp. sebagai Rakan Strategik SCORE. Rakan Strategik akan memperoleh kelayakan untuk membentuk pasukan Juru Audit SCORE di peringkat Jabatan/Agensi masing-masing, serta diberikan kelebihan untuk guna sama sistem pangkalan data SCORE.
13. Semua Jabatan/Agensi Negeri dan Persekutuan yang beroperasi di Negeri Sembilan dalam konteks program keusahawanan juga adalah bertanggungjawab untuk menjalankan gerak kerja pengauditan SCORE ke atas syarikat mikro dan PKS, serta melaporkan segala maklumat berkaitan SCORE kepada SME Corp. dan PKNNS.

TARIKH BERKUAT KUASA

14. Pekeliling ini adalah berkuat kuasa mulai daripada tarikh 01 Mei 2017.

PEMAKAIAN

15. Semua Jabatan Kerajaan Negeri dan Persekutuan, Pihak Berkuasa Tempatan serta Badan Berkanun Negeri dan Persekutuan yang beroperasi di Negeri Sembilan hendaklah melaksanakan arahan seperti yang tertakluk di dalam Pekeliling ini.

“BERKHIDMAT UNTUK NEGARA”



(DATO' SERI HAJI MAT ALI BIN HASSAN)

Setiausaha Kerajaan Negeri,
Negeri Sembilan Darul Khusus.

27 April 2017